

Meänkiele

Faktablad för arbetsökande –
Stöd och matchning – mer stöd i
jobbsökandet

2014-12

Tuki ja matsjaus – lissää tukea työhaussa

Tuki ja matsjaus on palvelu sulle joka tarttee intensiivisen ja henkilökohtaisen tuen työhaussa. Palvelua antaa privaattit leverantöörit jolla on sopimus Työvälytoimiston kans ja sie saat konkreettista apua sinun tielä työhön. Tuki saattaa olla sekä neuvona työhaussa ja ette auttaa sinua ette sitoa kontaktia työnantajitten kans. Sie päätät itte minkä leverantöörin sie piät käyttää palvelhuun. Tavote Tuela ja matsjauksela on ette sie niin kätevästi kun maholista saat työn eli alat opiskelemhaan.

Sinun eelytykset ja tarpheet ohjaavat

Sinun työvälyttäjä arvostellee jos sie saatat ottaa ossaa Tuesta ja matsjauksesta ja minkä tason tukea sie piät saa. Palvelua mennee saa neljälä eri tasola:

Perustava tuki ja matsjaus

Apua parantaa sinun työnhakua, matsjaus töihin ja kontaktia työnantajitten ja verkostoitten kans.

Bloki 1: Vähhiinthääns 30 minuuttia yksityisiä keskusteluja ja neljä tiimaa aktiviteettiä viikossa. (3 kuukautta)

Bloki 2: Vähhiinthääns 30 minuuttia yksityisiä keskusteluja ja yheksän tiimaa aktiviteettiä viikossa. (3 kuukautta)

Perustava tuki ja matsjaus kielituen kans

Sama tuki kun Perustavassa tuessa ja matsjauksessa mutta sie osalistut sinun äitinkielelä, muula kielelä mitä sie saatat hyvin eli tulkin avula.

Bloki 1: Vähhiinthääns 45 minuuttia yksityisiä keskusteluja ja neljä tiimaa aktiviteettiä viikossa. (3 kuukautta)

Bloki 2: Vähhiinthääns 45 minuuttia yksityisiä keskusteluja ja yheksän tiimaa aktiviteettiä viikossa. (3 kuukautta)

Vahvistettu tuki ja matsjaus

Lissää aikaa leverantöörin kans kun mitä saat perustavala tasola.

Bloki 1: Vähhiinthääns 30 minuuttia yksityisiä keskusteluja ja kaheksan tiimaa aktiviteettiä viikossa. (3 kuukautta)

Bloki 2: Vähhiinthääns 30 minuuttia yksityisiä keskusteluja ja kakstoista tiimaa aktiviteettiä viikossa. (3 kuukautta)

Bloki 3: Vähhiinthääns 30 minuuttia yksityisiä keskusteluja ja 20 tiimaa aktiviteettiä viikossa. Praktiikki sisältyy. (3 kuukautta)

Vahvistettu tuki ja matsjaus kielituen kans

Lissää aikaa leverantöörin kans. Sie osalistut sinun äitinkielelä, muula kielelä jota sie ossaat hyvin eli tulkin avula.

Bloki 1: Vähhiinthääns 45 minuuttia yksityisiä keskusteluja ja kaheksan tiimaa aktiviteettiä viikossa. (3 kuukautta)

Bloki 2: Vähhiinthääns 45 minuuttia yksityisiä keskusteluja ja kakstoista tiimaa aktiviteettiä viikossa. (3 kuukautta)

Bloki 3: Vähhiinthääns 45 minuuttia yksityisiä keskusteluja ja 20 tiimaa lissää aktiviteettiä viikossa. Praktiikki sisältyy. (3 kuukautta)

Palveluksen sisältö on täysin sovelettu siihen mitä sie ja sinun leverantööri pittää ette sie tarttet tehä eli oppia ette saa työn. Sie osalistut Tuki ja matsjauksheen kolme kuukautta, sitten met arvosteleva kuinka se on menny. Met saatama pitentää palvelua kolme kuukautta ja tietyissä taphauksissa vielä jälkhiin sen kolme kuukautta lissää. Sie saatat osalistua Tuki ja matsjauksheen korkeinthaans yheksän kuukautta.

Tämän saatat saa palvelussa

Sinun eelytykset ja tarpheet ohjaavat minkälaisen palveluksen sisälön sie saat. Joku esimerkki on: Tuki löytää ja hakea töitä, auttaa luomhaan hakesmuspaperia, kontaktia työnantajan kans, motiveeraavia keskusteluja, taatturiopetusta, opinto- ja työohjausta, oppimisen vierailuja, työpaikhaan liitetty toimintoja, kieliopetusta ynnä muuta.

Sie valittet leverantöörin

Sie valittet itte kenen leverantöörin tykö haluat mennä. Sivula arbetsformedlingen.se fliikin alla Tuki ja palvelu (Stöd och service), on

informasjuunia kaikista leverantööristä ja ohjeita kuinka sie haet. Katto esimerkiks leverantöörin metutiikkaa, kieltä, alantietoja eli muuta spesiaaliseerinkiä kun tehet sinun valinan. Sie saatat kans hakea leverantööriä sinun paikkakunnassa. Ilmota sitten sinun työvälittäjälle minkä leverantöörin olet valinu.

Näin se toimii

1. Työvälittäjä päättää ette sie saat palvelun Tuki ja matsjaus ja arvostellee minkä tason tukea joka soppii sulle parhaiten.
2. Sie päätät leverantööristä ja ilmoitat sinun työvälittäjälle.
3. Leverantööri kontaktaa sinua ensimmäisheen kohtaamisheen. Se on alustava keskustelu missä tet tehetä suunnittelun kuinka tet piättä tehä ette sie kätevämin saat yhen työn.
4. Sillä aikaa kun sie osalistut Tuki ja matsjauksheen sie piät jatkaa seuraamaan sinun suunnittelua Työvälistoimiston kans, hakea töitä ja jättää aktiviteettiraporttia, just niin kun tavalisesti.
5. Kolmen kuukauen jälkhiin sinun työvälittäjä tutkii kuinka sulla on menny ja arvostellee jos sie tarttet kolme kuukautta lissää Tuki ja matsjausta.

Maholisuus vaihettaa leverantööriä

Jos piät ette sinun tuki ei vastaa sinun tarpheita sulla on maholisuus muuttaa leverantööriä. Ota yhteyttä sinun työvälittäjän kans sillo saat apua muuttaa. Sulla on 14 päivää irtisanomisaikaa, mikä merkittee ette sie sen aijan olet jäljelä sinun vanheeman leverantöörin tykönä. Uuen leverantöörin tykönä sie jatkat sitä palvelusta mitä olet jo tehossa, se merkittee ette sie et alota uutta kolmenkuukauen perjuutia.

Pane muisthiin ette aina kontaktata meitä jos sulla on valituksia sinun leverantöörin tuesta ja avusta.

Soita meile numerola 0771-416 416 jos olet kiinnostunu ja haluat tietää enemän. Sie saatat kans vieraila sinun lähhiintä työvälistystä eli mennä sivule arbetsformedlingen.se.